

## Erindisbréf fræðslunefndar FIE

### 1. Almennt

Í samþykktum Félags um innri endurskoðun (FIE)<sup>1</sup> kemur fram að félagið skuli starfrækja fræðslunefnd, sem eina af fastanefndum félagsins. Fræðslunefnd skal vinna störf sín í samráði við stjórn, sem setur nefndinni erindisbréf þar sem starfssvið og heimildir eru nánar tilgreindar. Nefndarmönnum er óheimilt að skuldbinda félagið án undangengins samþykkis stjórnar. Stjórn skal boða fastanefndir félagsins á samráðsfund a.m.k. einu sinni á ári.

### 2. Nefndarmenn

Fræðslunefnd skal skipuð fimm nefndarmönnum hið minnsta. Formaður fræðslunefndar er kjörinn á aðalfundi FIE til eins árs í senn. Aðrir nefndarmenn eru félagsmenn sem bjóða fram krafta sína í þágu starfsins og eru þeir jafnframt skipaðir til eins árs í senn. Nefndarmenn skulu vera félagar í Félagi um innri endurskoðun og skipta með sér verkum í samræmi við hlutverk og verkefni nefndarinnar.

### 3. Hlutverk

Fræðslunefnd skipuleggur fræðslu á vegum félagsins, svo sem morgunverðarfundi, námskeið og smærri ráðstefnur og útgáfu kynningarefnis fyrir félagsmenn og fréttabréfa með rafrænum hætti. Nefndin skal standa að kynningum á innri endurskoðun og félaginu meðal innlendra aðila sem standa utan félagsins. Að lokum skipuleggur nefndin og heldur utan um tengsl við félagsins við háskóla í samræmi við viðmið sem að Alþjóðasamtök innri endurskoðenda skilgreina á hverjum tíma.

#### 3.1 Fræðslustarf

Fræðslunefnd skal annast fræðslustarf á vegum FIE. Í því felst m.a. skipulagning og framkvæmd:

- Fræðslufunda á vegum félagsins, sem haldnir skulu að a.m.k. fjórum sinnum á ári. Fræðslufundir eru styttri fundir, s.s. morgunverðar- eða hádegisfundir, sem að jafnaði eru metnir til eins til tveggja endurmenntunareininga.
- Haustráðstefnu félagsins, sem leitast skal við að halda árlega. Haustráðstefna FIE er eftir atvikum haldin í samstarfi við fagaðila á svíði fræðslu og endurmenntunar. Það efni sem tekið er til umfjöllunar hverju sinni er yfirleitt metið til endurmenntunareininga af þeim fagaðila sem veitir þjónustuna. Fræðslunefnd skal leggja tillögur sínar varðandi efni haustráðstefnu fyrir stjórn í síðasta lagi 1. maí ár hvert.
- Aðstoðar við stjórn við skipulagningu og framkvæmd Innri endurskoðunardags félagsins, sem haldinn er á fyrsta ársfjórðungi hvers árs eftir óskum stjórnar.
- Á útgáfu fræðsluefnis s.s. að skipuleggja reglubundna ritun pistla yfir starfsárið og annarra fréttu úr starfi félagsins.

Fræðslunefndin er hvött til að koma fram með nýjar hugmyndir er varða form og fyrirkomulag framboðs fræðslu og fyrirlestra er tengjast viðfangsefnum innri endurskoðunar.

Fræðslunefnd hefur veigamikla hlutverki að gegna við að skapa félagsmönnum grundvöll til að afla endurmenntunareininga (CPE) með þátttöku í viðburðum sem haldnir eru á vegum FIE. Fræðslunefnd

APR  
D. 55

skal halda utan um fundasókn félagsmanna á þá viðburði, sem haldnir eru á vegum félagsins, í þeim tilgangi að geta gefið út staðfestingu á fundasókn.

Fræðslunefnd skal miða við að kostnaður við fræðslustarf félagsins sé fjármagnaður með tekjum af þeim viðburðum, sem nefndin stendur fyrir.

### 3.2 Útbreiðslu- og kynningarstarf

Fræðslunefnd skal annast útbreiðslu- og kynningarstarf með það að markmiði að stuðla að aukinni þekkingu og viðurkenningu í samfélaginu á innri endurskoðun sem faggrein, kynna FIE og fjölgja félagsmönnum. Til útbreiðslu- og kynningarverkefna nefndarinnar teljast t.d. eftirfarandi:

- Skipulag kynninga á féluginu og innri endurskoðun fyrir hagsmunaaðilum.
- Auka skilning stjórna og stjórnenda fyrirtækja og stofnana á því hvaða virðisauka innri endurskoðun getur skilað skipulagsheildum þeirra.
- Þátttaka í umræðu um innri endurskoðun, t.d. viðtöl í sjónvarpi/útvípi og ritun greina í blöð og á samfélagsmiðla.
- Útbúa hverskyns kynningar- og námsefni sem telja má að henti best til að koma ofangreindum atriðum á framfæri, s.s.:
  - uppsetning á einblöðungi um innri endurskoðun til almennrar dreifingar,
  - ritun fræðigreina og -rita til opinberrar birtingar,
  - glærugerð og fyrirlestrar, bæði á vegum FIE og utan þess (gestafyrirlestrar),
  - myndbandsgerð til opinberrar sýningar.

### 3.3 Útgáfa fréttaefnis

Fræðslunefnd annast enn fremur umsjón með fréttum af starfi félagsins, sem leitast skal við að komi út með reglubundnum hætti. Leitast skal við að gefa félagsmönnum upplýsingar um starf félagsins, fastanefnda og faghópa þess, faglegt efni og fleira eftir því sem við á. Stjórnarmaður í féluginu skal vera ábyrgðarmaður fréttaefnisins.

### 3.4 Tengsl við háskólasamfélagið

Fræðslunefndin heldur utan um tengsl og samskipti við háskólasamfélagið og skipuleggur kennslu sem félagið á aðild að í háskólum og/eða það sjálft. Þetta starf skal taka mið af viðmiðunum sem alþjóðasamtök innri endurskoðenda hefur skilgreint og falla undir tengsl félagsins við fræðasamfélagið (academic relations). Í því skyni kemur fræðslunefndin að eftirfarandi:

- Einn fulltrúi í fræðslunefnd skal sjá um þessi tengsl við háskólasamfélagið en aðrir í fræðsluefnd koma að starfinu eftir fögum. Þessi fulltrúi er jafnframt tengiliður félagsins við nefnd alþjóðasamtakanna sem sér um og mótar starf og kröfur varðandi menntun innri endurskoðenda (Academic Relation Committee).
- Vinna að því að tekin verði upp kennsla í innri endurskoðun á Íslandi, m.a. með því að útvega efni um innri endurskoðun og benda á tækifærin sem felast í því að fá sk. IAEP viðurkenningu.
- Bjóða upp á námskeið til undirbúnings prófum til faggildingar í innri endurskoðunar (CIA), annað hvort eingöngu á vettvangi félagsins eða á í samstarfi við valda háskóla. Í þessu felst að skipuleggja, auglýsa og reka námskeiðið.

- Auka vitund háskólanema um val á innri endurskoðun sem starfsvettvangi s.s. með kynningum á féluginu og innri endurskoðun.
- Aðstoða háskóla við að finna hæfa kennara til að kenna námskeið á sviði innri endurskoðunar.
- Vinna að því að háskólanemar hafi aðgang að féluginu s.s. með lægra félagsgjaldi og afsláttum á ráðstefnur og fræðslufundi sem haldnir eru á vegum félagsins.
- Vinna að því að innri endurskoðunardeildir bjóði upp á starfsnám t.d. með vettvangi innan FIE.
- Bjóða háskólkennurum sem að hafa áhuga á starfsemi félagsins að leggja til þess og/eða taka þátt í starfinu.
- Hvetja háskólanema s.s. með styrkjum og hvatningu að skrifa um innri endurskoðun t.d. í lokaritgerðum og að benda háskólum á hæfa leiðbeinendur á vegum félagsins.
- Hvetja háskólanema til að taka þátt í starfsemi félagsins s.s. í nefndarstarfinu.

#### 4. Samskipti við stjórn

Fræðslunefnd skal í septembermánuði ár hvert leggja fyrir stjórn áætlun um fræðslu- og upplýsingastarf ársins ásamt fjárhagsáætlun til samþykkis. Meiri háttar breytingar á starfsáætluninni nefndarinnar skal bera undir stjórn til yfirferðar og samþykkis.

Fræðslunefnd skal senda stjórn afrit af fundargerðum nefndarinnar og skulu fundargerðir berast stjórn innan 10 daga frá viðkomandi nefndarfundi.

Fræðslunefnd skal árlega gera stjórn grein fyrir starfi sínu á sérstökum fundi, áður en aðalfundur félagsins er haldinn í maímaðuði ár hvert. Á fundinum skal farið yfir starf ársins í samanburði við starfsáætlun, rekstur í samanburði við fjárhagsáætlun og marka stefnu fyrir komandi starfsár. Jafnframt skal ræða tillögur fræðslunefndar varðandi komandi hastráðstefnu.

#### 5. Endurskoðun erindisbréfs

Erindisbréf þetta kemur árlega til endurskoðunar. Þá skal á grundvelli fenginnar reynslu kveða skýrar á um atriði sem óljós þykja eða taka til endurskoðunar verksvið og verkefni fræðslunefndar.

Samþykkt á stjórnarfundi 18. maí 2017



